


IOANNES BROSCIVS CVRZELOVIENSIS,

Ordinarius Astrologus, Lectori S.

Solis & Lunæ defectus res est, quemadmodum ait Plinius lib: i. cap: x. in tota natura contemplatione maximè mira, & ostento similis. Quis enim non miretur, clarissima mundi lumina tenebris inuolui? Attamè hæc TENEBRÆ (ait KEPLERVS) sunt Astrologorum OCULI: hi defectus doctrine sunt ABUNDANTIA: hi NÆVI, mentes mortalium preciosissimis PICTVRIS illustrant. Accedat huc Anaximander, qui Solem terræ æqualem, Lunam decies & nouies terra maiorem statuit. Accedat Parmenides æqualem in Luna atq; Sole statuens magnitudinem. Accedat qui Solem tantum quantum videtur asserit Epicurus: vel Epicuri gregales: lucem veritatis illorum mentibus hæc tenebræ dabunt. Quis verò inde non concludat, certa lege ferri sidera, non casu, quod voluptatis magister asseruit? Conuincetur hîc temeritas Diagoræ, negantis esse summum istius machinæ Architectum? Ecce stupet Romanus miles, dū causas tanti miraculi pandit Sulpitius. Ecce Iamaicenses barbari implentur formidine, & nouarum terrarum repertori Columbo parent, hoc spectaculo moti. Mouebantur & veteres, causas eclipsium ignorantes, quorum superstitio fuit, Luna languescere æris sono, tubarum cornuumq; concētu strepere, & vociferari; quasi laboranti Luna strepitus & vociferatio subuenirēt. tamq; istud frequens fuit, vt Iuuenalis de garrula & strepera sexus fæminei loquacitate facetè dixerit: Verborum tanta cadit vis: Tot pariter pelues & tintinnabula dicas Pulsari: iam nemo tubas atq; æra fatiget; Vna laboranti poterit succurrere Lunæ. Nos non cornua, non tubas, non æra sumamus; veterum ista superstitio pereat; sed agnoscentes Deum in operibus eius, consideremus has tenebras, hos defectus, hos næuos, quibus nostræ mentes, Dei simulachra, inuitantur ad contemlandum summi artificis opus admirabili arte constructum. Vel inde cognoscemus verissimum Platonis dictum esse: GRATAM DE DEO FAMAM IN ARTIBVS SPARSAM ESSE. Offerit se nunc occasio nocte præcedente diem 27. Augusti. Luna vmbra terræ inuoluetur. Magnitudinis vmbre ad Lunam, vt ex Tychonis nostri sæculi Hipparchi calculo apparuit, hæc proportio, hic typus esto.

SEPTENTRIO.



MERIDIES.

onis hora 4. scrup: 7. / 55. // Finis hora 5. scrup 34. / 1. // Non conspicietur tamen propter Solis exortum. Habes LECTOR Eclipsim Lunæ Tyconicis numeris designatam: opta vnâ mecum, vt eam nobis cælo sereno liceat obseruare. Vale.

Videbo cælos tuos, Domine, opera digitorum tuorum, Lunam & stellas qua tu fundasti. Psal. 8. 1616

Luna perigæa erit in Piscium gradu 3. scrup: 54. / 31. // non longè à Capite Dracon. Vmbra diameter in ea cæli parte, quam Luna tenet grad: 1. scr: 33. / 18. // Lunæ diameter scrup: 35. / 58. // Latitudo Lunæ Meridionalis ascendens ad initium Eclipsis scr: 33. / 13. // Medium scrup: 27. / 43. // Finis scr: 22. / 21. // Digni Ecliptici adnumerata etiam vmbre portione quæ Lunam excedit 12. scrup: 19. / 1. // Durabit horis 3. scr: 16. / 52. // Initium eius sub meridiano Cracouien. (quem Atlantis huius doctrine Copernici, multorumque aliorum obseruationes decorarunt) conspicietur post mediam noctem hora 2. scr: 17. / 9. // Principiū totalis obscurationis hora 3. scr: 43. / 15. // Medium hora 3. scr: 55. / 35. // Extremum totalis obscurati-

